



Yaa tuum budo n noom Wënd n yuda? T'a yeele: «yaa Puusgo, a wakatẽ wã». T'a yeele: rẽ poorẽ yaa bõe? T'a yeele: «rẽ poorẽ yaa roagd a yiibã manegre». T'a yeele: rẽ poorẽ yaa bõe? T'a yeele: « yaa zab Wënd Sorã poorẽ

Yii a 'Abdullaah [bn Mas'ud nengẽ, (Wënd yard be a yĩnga), a yeelame: M soka Nabiyaamã (Wënd puusg la A tulgr be a yĩnga). Yaa tuum budo n noom Wënd n yuda? T'a yeele: «yaa Puusgo, a wakatẽ wã». T'a yeele: rẽ poorẽ yaa bõe? T'a yeele: «rẽ poorẽ yaa roagd a yiibã manegre». T'a yeele: rẽ poorẽ yaa bõe? T'a yeele: « yaa zab Wënd Sorã poorẽ». A yeelame: Nabiyaamã n yës maam gom-kãngã, la mam sã n rag n sok-a n paase, a rag n na n loeka maam n paase.

[Naşun Şahuhun (Gom-sikdem sën manege)] [B zemsa taab a zugu (A Al-Buḥariy la a Muslim n reeg-a)]

B soka Nabiyaamã (Wënd puusg la A tulgr be a yĩnga): yaa tuum bud n noom Wënd n yuda? T'a yeele: yaa Farilã Puusgo a wakat ning sãri wã sën yãk n rıglã, rẽ poorẽ yaa roagdb a yiibã manegre, n maneg n tug-ba la f yik ne b hake wã la f bas n da nams-b ye, rẽ poorẽ yaa Guhaadi Wënd Sorã pugẽ, n na n zëk Wënd Gomdã, (A Naam yi wagell n zëke), la f tus wëng n yi lıslaangã la lıslaambã, la f vëneg lıslaangã tagmas-rãmbã, la rëndã yaa sën tũ ne fo mengã la f arzekã. A [bn Mas'ud yeelame (Wënd yard be a yĩnga) a togsa maam tuum-kãensã, la mam sã n rag sok-a rẽ poorẽ yaa bõe? A rag n na n paas-m lame.

<https://sunnah.global/hadeeth/mos/show/3365>

